



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-495-6/24**
Datum: **04.03.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica RMU «KAKANJ» d.o.o. Kakanj za donošenje Rješenja o vodnoj dozvoli za ispuštanje tehnoloških i oborinskih onečišćenih otpadnih voda u prirodni recipijent sa platoa Pogona za eksploataciju krovnog ugljenog sloja na lokalitetu Begići-Bištrani, općina Kakanj, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, RMU «KAKANJ» d.o.o. Kakanj daje se vodna dozvola za ispuštanje tehnoloških i oborinskih onečišćenih otpadnih voda u prirodni recipijent sa platoa Pogona za eksploataciju krovnog ugljenog sloja na lokalitetu Begići-Bištrani izgrađenog na zemljištu označenom kao k.č. broj: 147/1, 159/1, 164/6 i 941/1 K.O. Seoci i k.č. broj: 805/3 K.O. Haljinići, općina Kakanj.
2. Ova vodna dozvola se odnosi isključivo na ispuštanje tehnoloških i oborinskih onečišćenih otpadnih voda u prirodni recipijent sa lokaliteta objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na predmetnom lokalitetu i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 31.10.2024. godine završe radovi na prikupljanju i tretmanu onečišćenih voda te ispuštanju prečišćenih voda u Seočki potok sa platoa Pogona za eksploataciju krovnog ugljenog sloja na lokalitetu Begići-Bištrani, a sve prema urađenoj investiciono-tehničkoj dokumentaciji «Glavni projekat-vanjske hidroinstalacije, snabdijevanje vodom, prikupljanje i tretman tehnoloških i fekalnih otpadnih voda na lokalitetu Begići-Bištrani, Kakanj» urađen od «IBIS» d.o.o. Zavidovići (broj: 75-IB-G/16, novembar 2016. godine), kako slijedi:

R. broj	Naziv aktivnosti	Finansijska procjena za realizaciju aktivnosti	Rok za realizaciju aktivnosti
1	Izmjena plana nabavki	-	31.03.2024.
2	Priprema tehničke specifikacije potrebne količine robe	-	31.05.2024.
3	Nabavka i ugradnja slivnih rešetki na izgrađene kanale oko betonskog platoa	1.400,00 KM	30.06.2024.
4	Izrada okna za monitoring sa poklopcem	800,00 KM	30.08.2024.
5	Nabavka i ugradnja separatora ulja i masti	6.300,00 KM	15.09.2024.

6	Uređenje Seočkog potoka na mjestu ispusta prečišćenih voda	-	15.10.2024.
7	Odvoz viška materijala i ispitivanje mreže	-	31.10.2024.

- 3.3. Da korisnik predmetnog pogona, za vrijeme trajanja ove dozvole, a nakon završetka radova predviđenih projektnom dokumentacijom, obezbjeđuje da se onečišćene vode sa radnih površina nesmetano sakupljaju i odvođe do objekata predviđenih za tretman (taložnik i separator masti i ulja), a zatim ovako tretirane vode ispuštaju u Seočki potok.
- 3.4. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine a drugi put najkasnije do 30.06.2025. godine na obrascu iz Priloga B navedene Uredbe.
- 3.5. U toku važenja ovog Rješenja, korisnik predmetnog pogona je obavezan poduzeti sve potrebne mjere kako bi kvalitet prečišćenih otpadnih voda prije ispusta u recipijent zadovoljio granične vrijednosti definisane u Prilogu 18. Uredbe o uslovima ispuštanja otpadnih voda u okoliš i sisteme javne kanalizacije.
- 3.6. Objekte čija je svrha odvođenje i prečišćavanje tehnoloških i oborinskih onečišćenih otpadnih voda (taložnik, separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.7. Korisnik predmetnog pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj broj 14/10, 14/13, 26/14, 23/17 i 41/20).
- 3.8. Talog iz taložnika i separatora, kao i ostali opasni i neopasni otpad, se ne smije ni privremeno odlagati na česticu «vodno dobro», odnosno u vodotoke i na njegove obale.
- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmenom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Da se istrošena ulja, nautljene krpe i sav opasan otpad koji se koristi u procesu rada pogona i mehanizacije redovno prikuplja i propisno, privremeno skladišti u metalne spremnike do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026. godine, uz uslov da se aktivnosti obuhvaćene tačkom 3. dispozitiva rješenja u cjelosti poštuju.
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

Obrazloženje

Pravno lice, RMU «KAKANJ» d.o.o. Kakanj, dana 08.11.2023. godine, podnijelo je zahtjev za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent sa platoa Pogona za eksploataciju krovnog ugljenog sloja na lokalitetu Begići-Bištrani izgrađenog na zemljištu označenom kao k.č. broj: 147/1, 159/1, 164/6 i 941/1 K.O. Seoci i k.č. broj: 805/3 K.O. Haljinići, općina Kakanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka o upisu u sudski registar broj: 043-0-Reg-23-001015 izdatog dana 13.09.2023. godine od strane Općinskog suda u Zenici,
- Ovjerena kopija Uvjerenja o registraciji/upisu u Jedinствeni registar obveznika indirektnih poreza broj: 04/1-17-1-UPJR/1-5731-2/20 izdatog dana 23.10.2020. godine od strane Uprave za indirektno-neizravno oporezivanje Banja Luka,
- Ovjerena kopija Uvjerenja o registraciji poreznog obveznika izdatog dna 26.10.2020. godine od strane Porezne uprave Federacije BiH – Kantonalni porezni ured Zenica,
- Punomoć zastupnika podnosioca zahtjeva broj: 01-D-01-23-12062/23 od 01.11.2023. godine,
- Kopija Rješenja o urbanističkoj saglasnosti broj: UPI/03-23-2-65/13 MT izdatog dana 26.11.2013. godine za infrastrukturne i objekte radnog platoa potrebne za eksploataciju krovnog ugljena na lokalitetu Begići-Bištrani od strane Federalnog ministarstva prostornog uređenja,
- Opći akt o održavanju, korištenju i osmatranju vodoprivrednih objekata RMU «Kakanj» d.o.o. Kakanj, oktobar 2023. godine,
- Dinamički plan sa spiskom aktivnosti i mjera sa finansijskom procjenom i rokovima realizacije istih broj: 14/24 od 23.02.2024. godine potpisan i ovjeren od strane rukovodioca SZNR-a - Hrustić Nazif dipl.ing.rud.,
- Kopija Rješenja o vodnoj dozvoli broj: UP-I/25-3-40-221-6/19 izdatog dana 02.09.2019. godine od strane «Agencije za vodno područje rijeke Save» Sarajevo,
- Glavni projekat-vanjske hidroinstalacije, snabdijevanje vodom, prikupljanje i tretman tehnoloških i fekalnih otpadnih voda na lokalitetu Begići-Bištrani, Kakanj urađen od strane «TRIS» d.o.o. Zenica.

- Izvještaj broj: 1621/23 o monitoringu kvaliteta i kvantiteta otpadnih voda RMU «KAKANJ», pogon Begići-Bištrani urađen dana 27.11.2023. godine od strane «Inspekt RGH» d.o.o. Sarajevo,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-495-3/23 od 08.02.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Na lokalitetu Pogonia za eksploataciju krovnog ugljenog sloja na lokalitetu Begići – Bištrani u Kakanju uređen je odnosno betoniran radni plato na kome se odvijaju razne aktivnosti neophodne za normalno funkcionisanje pogona (razne vrste popravaka) kao i pranje i održavanje mehanizacije. Na platou je postavljen kontejner za uposlene kao i nekoliko metalnih spremnika za smještaj različitog otpada. Voda za potrebe uposlenih se obezbjeđuje sa mjesnog vodovodnog sistema. Sanitarno fekalne vode iz toaleta smještenog uz plato se odvođe u septičku jamu. Projektom dokumentacijom je predviđeno da se tehnološke i oborinske onečišćene otpadne vode sa platoa kompleksa, preko linijskih slivnih rešetki odvođe na tretman u taložnik a potom u separator ulja i masti. Krajnji ispušt prečišćenih voda je u obližnji Seočki potok. Projektom je predviđeno postavljanje nadzemne tankvane za gorivo ali je Investitor odustao od istog. Trenutno se sve otpadne vode bez ikakvog tretmana slobodno slijevaju prema Seočkom potoku. Za predmetni pogon je ranije od ove Agencije ishodovano Rješenje o vodnoj dozvoli broj: UP-I/25-3-40-221-6/19 od 02.09.2019. sa rokom važenja do 19.12.2023. godine. Uslovi navedeni u tački 3.1. i 3.2. naprijed navedenog Rješenja su samo djelimično ispunjeni. Radovi predviđeni projektom dokumentacijom i definisani tačkom 3.2. Rješenja o vodnoj dozvoli nisu realizovani u potpunosti, odnosno izgrađen je taložnik za tretman oborinskih onečišćenih voda. Nisu izvedene slivne rešetke, separator masti i ulja, kanalizaciona mreža do ispusta u Seočki potok. Od ponosioca zahtjeva je u skladu sa Uredbom o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 1/24), dopisom broj: UP-1/21-3-40-495-4/23 od 12.02.2024. godine zatraženo da dostavi detaljan dinamički plan ulaganja za realizaciju radova na ispunjenju tačke 3.1. i 3.2. Rješenja o vodnoj dozvoli broj: UP-I/25-3-40-221-6/19 od 02.09.2019. godine. Podnosilac zahtjeva je dana 23.02.2024. godine putem mail-a, te dana 04.03.2024. godine putem pošte dostavio traženi dinamički plan sa spiskom aktivnosti i mjera sa finansijskom procjenom za ulaganje, te rokove u kojima će pravni subjekt realizirati pojedine aktivnosti. Dostavljeni dokument koji je sastavni dio spisa je poslužio za definiranje uslova iz tačke 3.2. ovog Rješenja.

Na osnovu uvida u dostavljeni dinamički plan utvrđeno je sljedeće:

- Krajnji rok za realizaciju svih radova predviđenih dostavljenom projektom dokumentacijom (Glavni projekat-vanjske hidroinstalacije, snabdijevanje vodom, prikupljanje i tretman tehnoloških i fekalnih otpadnih voda na lokalitetu Begići-Bištrani, Kakanj urađen od «IBIS» d.o.o. Zavidovići broj: 75-IB-G/16, novembar 2016. godine) je 31.10.2024. godine.
- Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 3.2. dispozitiva.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi u skladu sa članom 115. do člana 118. Zakona o vodama («Službene novine Federacije BiH», broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je pravno lice RMU «KAKANJ» d.o.o. Kakanj ispunilo minimum uslova za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent sa platoa Pogona za eksploataciju krovnog ugljenog sloja na lokalitetu Begići-Bištrani, općina Kakanj te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-495-2/23 od 22.12.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.grad.

Po ovlaštenju:

Rukovodilac sektora za izdavanje vodnih akata



Hariš Ališehović
Hariš Ališehović, dipl.ing.grad.

Dostaviti:

- RMU «KAKANJ» d.o.o. Kakanj
ul. Alije Izetbegovića br 17, 72240 Kakanj
- AVP Sava, ISV-vodna knjiga
- sektor 50
- ⊖ sektor 40 – arhiva
- oglasna ploča – AVP Sava